



ᑭᓄᓄᓄ ᓄᓄᓄ ᓄᓄᓄ ᓄᓄᓄ ᓄᓄᓄ ᓄᓄᓄ
Building *Nunavut* Together
Nunavut iuuqatigiingniq
Bâtir le *Nunavut* ensemble



Tuhaqtitauyukhaq

Tuhaqtitauhainnaqtukhaq

GN-kut atiliuqtut Naunaitkut Angiqatigiingnirmut (MOU) ukuallu nunaryuami umiaryuakkt aulapkaiyit katimayiitlu

Iqaluit, Nunavut (Qitiqqautijuuq 16, 2019) – Nunavut Kavamangat (GN) ukuallu Association of Arctic Expedition Cruise Operators (AECO), ublumi atiliuqtuuk Naunaitkut Angiqatigiingnirmut (MOU) havaqatigiiklutik umiaryuakkt aquivaktunut ukiuqtaqtumi.

“GN-kut piniaqhimayut aallanguqtiqpalliadjutikhainik ihuatqiyamiklu maniliurahuarutikhanik inmikkurahuarutikhaniklu havaahaqaqtitilutik nunani taffumani umiaryuakkt havagviuyukhanik, “uqaqtuq Pivalliyuliyiqiyitkut Ingilrayuliyiqiyitkullu Minista, David Akeeagok. “Hamna Naunaitkut Angiqatigiingnirmut (MOU) naunaiyautikhat havaqatigiittiarlutik ihuaqtumik timiqutauyullu kivgaqtuiyut havaqatigittiaruhikhainik timiuyullu kivgauyut amigaitunut umiaryuakkt aulapkaidjutikhanik Kanatami Ukiuqtaqtumi.”

Angirutat ikayuutauhunguyuuq havaqatigiittiarutikhainut ukuat aulapkaiyingit umiaryuakkt aquiyut ukuallu Nunavunmi naminiqaqtunut. Naunaitkut Angiqatigiingnirmut (MOU) naunaiyaqhimayait havaqatigiigutikhangit, ilauyullu pidjutikhanik *Nalunaiqsijiit*: Inuit Umiaryuakkt Ilihautikhainik Uuktuutikhangit, Umiaparnut Upalungaiyautikhat! Nunallaani Upalungaiqhimanirmik Ayuiqhaqatigiiktut; amigaitilanginik tuhaqtinirmut maliqayakhangit piliurutikhanik nayuganni maliktakhainik aturlugit Inuit Ilitquhiitigut Itquumadjutingit ukuallu GN-kut Havagviat Pitquhiliqiyitkut.

“AECO akhuyuqtut munaqhiplutik aullarangiqaqtukhanik munarittiaqtuniklu aquinikkut atuqtakhainik Ukiuqtaqtumi,” uqallaktuq Figg Jørgensen, Aulapkaiyingat AECO-kut. “Ihuaqtunik atuqtakhainik havaqatigilugillu nunangit hivulliyumayaqqut ilaayunut. Ukpiruhuktugut munaqhittiaqtut aquinikkut pulaktukhanik naunaitkutiqaqtukhat ihuaqtunik pitquhirmingnik takupkaiyut, pittiarlutik piqatigiigutikhanik nunamingni ikayuutikhainiklu. Quyagiyavut ilaugapta Naunaitkut Angiqatigiingnirmut (MOU) ilauqatigiplugit Nunavut Kavamangat takuyumayavullu ihuaqpiaktut havaqatigiigutikhavut amigaituni uuktuutikhainik.”

